


## Završen najveći internacionalni plivački miting u BiH!

PREGLEDA: 377

*Na Olimpijskom bazenu Sarajevo tačno u 19:00h završen je najveći plivački miting u BiH pod nazivom „Internacionalni plivački miting Mladi za mlade“. Ovogodišnji miting obilježen je po velikom broju učesnika iz čak osam država.*

Na mitingu su učestvovali plivački klubovi iz Bosne i Hercegovine, Hrvatske, Slovenije, Srbije, Crne Gore, Kosova, Bugarske i Velike Britanije.

<http://www.ekskluziva.ba/Završen-najveci-internacionalni-plivacki-miting-u-BiH-/39731.html>



U mitingu je učestvovalo preko 300 učesnika iz 32 plivačka kluba. Miting će biti zapamćen po vrlo jakoj konkurenciji muške i ženske kategorije, posjećenosti, velikom broju osvojenih medalja, novčanih nagrada i poklon paketa sportske opreme za Grand prix trku, te po oborenom državnom rekordu koji je oborio Amar Šapčanin iz PK Sport time Sarajevo koji je ove godine dobio nagradu od Sportskog saveza Kantona Sarajevo za najperspektivnijeg plivača 2012. godine.

U završnom dijelu takmičenja oboren je drugi rekord BiH, a oborila je Negra Ahmedspahić iz GKVS.

Plivački miting „Mladi za mlade“ završen je dodjelom medalja koje je dodjelio ambasador Bugarske u BiH, njegovala Ekselencija Angel Angelov. Poklon sportske opreme za grand prix trku dodjelili su organizatori predsjednik udruženja „Mladi za mlade“ Mirza Tahirović i predsjednik PK „Sporttime“ Evelin Avdić. Novčane nagrade za prva tri mjesta muške i ženske kategorije dodjelio je direktor kompanije MHS doo Samir Šabanović.

Tri dana mitinga protekla su u vrlo pozitivnoj i takmičarskoj atmosferi u kojoj su svi posjetioci i takmičari uživali, družili se i podržavali jedni druge.

Organizatori ističu da je ovo jedinstvena manifestacija koja okuplja mlade ljude, sportskog zdravlja i takmičarskog duha, sa kojom ujedinjujemo sve nacije i razvijamo prijateljstva, na kojoj se razmjenjuju iskustva i simpatije i stvara pozitivna slika države sa kojom nastupamo u drugim državama.

Takmičari sa najvrijednijim rezultatima po osvojenim bodovima su nagrađeni novčanim nagradama, a to su u ženskoj konkurenciji:

1. Tanja Šmid, PK Jug Dubrovnik
2. Katarina Radoš, Zagrebački plivački savez
3. Ivana Ninković, Olymp Banja Luka

U muškoj kategoriji najbolje rezultate imali su:

1. Boris Stojanović, PK Kikinda
2. Ivan Biondić, Zagrebački plivački savez
3. Kristijan Tomić, Zagrebački plivački savez

Najviše zlatnih medalja odnijeli su plivački klubovi: GKVS Sarajevo, Jug Dubrovnik, Zagrebački plivački savez, Sport time Sarajevo, Briz, Levski, Jedinstvo, Bosna, Warnerder Bath club, H2O.

Plivački miting bio je humanitarnog karaktera u kojem kupovinom ulaznica doniraju se sredstva udruženju „EDUS“ -udruženje za unapređenje obrazovanja i podrške djecima i bez poteškoća u razvoju s ciljem podrške radu i potrebama koje su neophodne za kvalitetniji rad s djecom.

Organizatori su se na kraju zahvalili prisutnima u učesnicima, te čestitali pobjednicima mitinga i najavili ponovni susret naredne godine u većem broju i još boljim rezultatima. Takođe su se zahvalili generalnim sponzorima mitinga Kompaniji MHS doo, BH Telecom, hotel BM Internacional i hotel Hollywood. Podršku projektu pružili Plivački savez BiH, Olimpijski komitet BiH, Ministarstvo civilnih poslova BiH, Federalno ministarstvo kulture i sporta i Ministarstvo kulture i sporta Kantona Sarajevo.

